

致汪精衛君書

(前略)在弟觀察，吾人苟切實從教育著手，未嘗不可使吾國轉危爲安。而在國外所經營之教育，又似不及在國內之切實。弟之所以遲遲不進京，欲不任大學校長，而卒於任之者，亦以此。昔普魯時受拿破崙蹂躪時，大學教授菲希脫爲數次愛國主義之演說，改良大學教育，卒有以救普之亡。而德意志統一之盛業，(普之勝法羣歸功於小學校教員，所以有此等小學校教員者，高等教育之力也。)亦發端於此。先生卽我國今日之菲希脫也。弟深願先生惠然肯來，主持國文類教科，以真正之國粹，喚起青年之精神。(中略)弟進京後，受各政團招待時，竟老實揭出不涉政界之決心。彼等不特不加反對，且有表同情者，亦可見今之政客，其頭腦亦似較前幾年爲清晰矣。(後略)

中華民國九年
十月初版



蔡子民先生言行錄

兩冊定價大洋九角

編輯者

新 北京大學
潮 社

印刷者

財 北京彰儀門內白紙坊
政 部印刷局

發行者

北京大學出版部
北京漢花園

分售者

北京中華書局
天津中華書局

上海

新華書社
羣益書社
中華書局
亞東圖書館

致汪精衛君書

(前略)在弟觀察，吾人苟切實從教育著手，未嘗不可使吾國轉危爲安。而在國外所經營之教育，又似不及在國內之切實。弟之所以遲遲不進京，欲不任大學校長，而卒於任之者，亦以此。昔普魯時受拿破崙蹂躪時，大學教授菲希脫爲數次愛國主義之演說，改良大學教育，卒有以救普之亡。而德意志統一之盛業，(普之勝法，羣歸功於小學校教員，所以有此等小學校教員者，高等教育之力也。)亦發端於此。先生卽我國今日之菲希脫也。弟深願先生惠然肯來，主持國文類教科，以真正之國粹，喚起青年之精神。(中略)弟進京後，受各政團招待時，竟老實揭出不涉政界之決心。彼等不特不加反對，且有表同情者，亦可見今之政客，其頭腦亦似較前幾年爲清晰矣。(後略)

就任北京大學校長演說詞（六年一月）

五年前嚴幾道先生爲本校校長時，予方服務教育部，開學日曾有所貢獻於同校，諸君多自預科畢業而來，想必聞知。士別三日，刮目相見，況時閱數載，諸君較昔當必爲長足之進步矣。予今長斯校，請更以三事爲諸君告。

一曰抱定宗旨。諸君來此求學，必有一定宗旨，欲求宗旨之正大與否，必先知大學之性質。今人肄業專門學校，學成任事，此固勢所必然。而在大學則不然。大學者，研究高深學問者也。外人每指摘本校之腐敗，以求學於此者，皆有做官發財思想。故畢業預科者，多入法科，入文科者甚少，入理科者尤少。蓋以法科爲干祿之終南捷徑也。因做官心熱，對於教員，則不問其學問之淺深，惟問其官階之大小，官階大者，特別歡迎，蓋爲將來畢業有人提携也。現在我

國精於政治者，多入政界，專任教授者甚少，故聘任教員，不得不聘請兼職之人，亦屬不得已之舉。究之外人指摘之當否，姑不具論。然弭謗莫如自修，人譏我腐敗而我不腐敗，問心無愧，於我何損？果欲達其做官發財之目的，則北京不少專門學校：入法科者，儘可肄業法律學堂，入商科者，亦可投考商業學校，又何必來此大學？所以諸君須抱定宗旨，爲求學而來。入法科者非爲做官，入商科者非爲致富。宗旨既定，自趨正軌。諸君肄業於此，或三年，或四年，時間不爲不多，苟能愛惜分陰，孜孜求學，則其造詣，容有底止。若徒志在做官發財，宗旨既乖，趨向自異。平時則放蕩冶游，考試則熟讀講義，不問學問之有無，惟爭分數之多寡；試驗既終，書籍束之高閣，毫不顧問，敷衍三四年，潦草塞責，文憑到手，即可藉此活動於社會，豈非與求學初衷大相背馳乎？光陰虛過，學問毫

無，是自誤也。且辛亥之役，吾人所以革命，因清廷官吏之腐敗。卽在今日，吾人對於當軸，多不滿意，亦以其道德淪胥。今諸君苟不於此時植其基，勤其學，則將來萬一生計所迫，出而任事，擔任講席，則必貽誤學生，置身政界，則必貽誤國家。是誤人也。誤己誤人，又豈本心所願乎？故宗旨不可以不正大。此余所希望於諸君者一也。

二曰砥礪德行。方今風俗日偷，道德淪喪；北京社會，尤爲劣惡，敗德毀行之事，觸目皆是；非根基深固，鮮不爲流俗所染。諸君肄業大學，當能束身自愛，然國家之興替，視風俗之厚薄。流俗如此，前途何堪設想。故必有卓絕之士，以身作則，力矯頹俗。諸君爲大學學生，地位甚高，肩此重任，責無旁貸。故諸君不惟思所以感己，更必有以勵人。苟德之不修，學之不講，同乎流俗，合乎污世，已

且爲人輕侮，更何足以感人？然諸君終日伏首案前，芸芸攻苦，毫無娛樂之事，必感身體上之苦痛。爲諸君計，莫如以正當之娛樂，易不正當之娛樂，庶於道德無虧，而於身體有益。諸君入分科時，曾填寫願書，遵守本校規則，苟中道而違之，豈非與原始之意相反乎？故品行不可以不謹嚴。此余所希望於諸君者二也。

三曰敬愛師友。教員之教授，職員之任務，皆以圖諸君求學之便利，諸君能無動於衷乎？至於同學，共處一堂，尤應互相親愛，庶可收切磋之效。余見歐人購物者，每至店肆，店夥殷勤款待，付價接物，互相稱謝。薄物細故，猶懇摯如此，況學術傳習之大端乎？對於師友之敬愛，此余所希望於諸君者三也。

余到校任事，僅數日，校事多未詳悉。前所計畫者二事：

一曰改良講義。諸君研究高深學問，自與中學高等不同，不惟恃教員講授，尤賴一己潛修。以後所印講義，祇列綱要，其詳細節目，由教師口授後學者自行筆記，並隨時參考，以期學有心得，能裨實用。

二曰添購書籍。本校圖書館書籍雖多，新出者甚少。刻擬籌集款項，多購新書，以備教員與學生之參考。今日所與諸君陳說者只此，以後會晤日長，隨時再為商榷可也。

北京大學開學式之演說

（七年九月二十日）

大學為純粹研究學問之機關，不可視為養成資格之所，亦不可視為販賣知識之所。學者當有研究學問之興趣，尤當養成學問家之人格。本校一年以來，設研究所，增參考書，均為提起研究學問興趣起見。又如設進德會，書法

畫法樂理研究會，開校役夜班，助成學生銀行，消費公社等，均爲養成學生人格起見。此皆諸生所當注意者。且諸生須知既名大學，則萬不可有專己守殘之習。一年以來，於英語外，兼提倡法德俄意等國語，及世界語；於舊文學外，兼提倡本國近世文學，及世界新文學；於數理化等學外，兼徵集全國生物標本，並與法京「巴斯德生物學院」協商設立分院。近並鑒於文科學生輕忽自然科學，理科學生輕忽文學哲學之弊，爲溝通文理兩科之計畫。望諸生亦心知其意，毋涉專己守殘之習也。

北京大學二十週年紀念會演說詞

本校有二十五週年紀念會之預備，擬出大叢刊三種，業已宣布於日刊。至此次二十週年之紀念會，則臨時由學生數人發起，不能多有所點綴。惟有

今日之演說會，及預備補刊一紀念冊而已。憶鄙人游學德國時，曾遇大學紀念會兩次：一來比錫大學之五百年紀念會，二柏林大學之百年紀念會也。其間布置大同小異，不外乎印刷品、演講會、鑾演大學歷史之巡游隊、晚餐會等而已。而時過境遷，所遺留者亦僅有印刷品及記述之演說詞耳。然則本校此次以演說會及紀念冊爲點綴，亦不必有何等不滿足之感也。抑鄙人猶有惑者，進化之例，愈後而速率愈增。柏林大學之歷史，視來比錫大學不過五分之一之時間，而發達乃過之。蓋德國二十餘大學中，以教員資格（偶有例外）學生人數及設備完密等事序次之，柏林大學第一，門興大學第二，而來比錫大學第三也。柏林爲全國政治之中心，門興爲全國文學美術之中心，故學校之發達較易也。本校二十年之歷史，僅及柏林大學五分之一，來比錫大學二十五

分之一，苟能急起直追，何嘗不可與爲平行之發展。惜我國百事停滯不進，未能有此好現象耳。惟二十年中校制之沿革，乃頗與德國大學相類。蓋德國初立大學時，本以神學法學醫學三科爲主，以其應用最廣，而所謂哲學者，包有吾校文理兩科及法科中政治經濟等學，實爲前三科之預備科。蓋興學之初，目光短淺，重實用而輕學理，人情大抵如此也。十八世紀以後，學問家輩出，學理一方面逐漸發達。於是哲學一科，遂駕於其他三科之上，而爲大學中最重要之部分。近年弗朗福脫新設之大學，遂不設神學科矣。本校當二十年前創設時，僅有仕學師範兩館，專爲應用起見。其後屢屢改革，始有八科之制，卽經學政法文學格致選科農科工科商科是也。民國元年，始併經科於文科，與德國新大學不設神學科相類。本年改組，又於文理兩科特別注意，亦與德國大

學哲學科之發達相類。所望內容以漸充實，能與彼國之柏林大學相頡頏耳。今日承前教育總長范靜生先生蒞會，范先生爲本校創立時之職員，而本年對於大學改組之議，極端贊同，今日已允演說，必能餉吾等以宏論。又本校王長信學長及胡干之章行嚴陶孟和三教授，均有演說，而學生諸君，亦有代表一人，發布其意見，必皆有紀念之價值，謹先爲介紹。

北京大學二十一週年開學式之訓詞（八年九月）

今日爲北京大學第二十二年的開學日。新到諸生，差不多占四分之一，本來舊生所知道的，也當爲新生申說大概。況此次學潮以後，外邊頗有謂北京大學學生，專爲政治運動，能動不能靜的。不知道本校學生，這次的加入學潮，是激於一時的愛國熱誠，爲特別活動，一到研究學問的機會，仍是非常鎮

靜的。外邊流言，實是誤會。但是我們也不可作「有則改之，無則加勉」的打算。所以我現在把北京大學的教育方針說說，不但給新生指示趨向，也是爲舊生提醒一番的意思。

諸君須知大學，並不是販賣畢業的機關，也不是灌輸固定知識的機關，而是研究學理的機關。所以大學的學生，並不是熬資格，也不是硬記，教員講義，是在教員指導之下自動的研究學問的。爲要達上文所說的目的，所以延聘教員，不但是求有學問的，還要求於學問上很有研究的興趣，並能引起學生的研究興趣的。不但世界的科學取最新的學說，就是我們本國固有的材料，也要用新方法來整理他。這種標準，雖不是一時就能完全適合，但我們總是向這方面進行。又如圖書雜誌儀器標本，研究學理上所必不可少的，我們

限於經費，雖不能一時購置完善，但也是逐年增加的。且既然認定大學是研究學理的機關，對於純粹學理的文理科，自當先作完全的建設。我們因文理科尚有許多門類，爲經費與地位所限，不能一時並設，所以乘北洋大學同是國立，同有土木工科，採礦冶金科的關係，把工科歸併北洋，即用工科的經費與教室實驗室，來擴充理科的一部分。研究學理，不可不屏除紛心的嗜好，所以本校提倡進德會，對於嫖賭的惡習，官吏議員的運動，是懸爲戒律的。研究學理，必要有一種活潑的精神，不是學古人「三年不窺園」的死法能做到的。所以本校提倡體育會、音樂會、書畫研究會等，來涵養心靈。大凡研究學理的結果，必要影響於人生。儻沒有養成博愛人類的心情，服務社會的習慣，不但印證的材料不完全，就是研究的結果也是虛無。所以本校提倡消費公社，

平民講演，校役夜班，與新潮雜誌等，這些都是本校最注重的事項，望諸君特別注意。

抑本校很願多延各國碩學來校講授，惜機會很不易得，今年適值杜威博士來華游歷，本校得博士及哥倫比亞大學校長的允許，得請博士留華一年，在本校講授哲學，這是很難得的機會。所以今日特請博士演說，並先爲紹介。

北京大學之進德會旨趣書

今人恒言：西方尙公德，而東方尙私德；又以爲能盡公德，則私德之出入，曾不足措意。是誤會也。吾人既爲社會之一分子，分子之腐敗，不能無影響於全體。如疾疫然，其傳染之廣，往往出人意表。昔儀狄作酒，禹飲而甘之，曰：「後

世必有以酒亡其國者。」遂疏儀狄而絕旨酒。司馬遷曰：「夏之亡也以妹喜殷之亡也以妲己。」子反涵於酒而楚以敗。拿破侖惑於色而普魯士之軍國主義以萌。私德不修，禍及社會，諸如此類，不可勝數。又如吾國五六年來，政治界實業界之腐敗，達於極端。而禍變紛乘，浸至亡國者，寧非由於少數當局驕奢淫佚之餘，不得已而出奇策以自救，遂不惜以國家爲犧牲與？易曰：「善不積，不足以成名；惡不積，不足以滅身；勿以小善爲無益而弗爲也；勿以小惡爲無傷而爲之。」鄙人二十年前，鑒於吾國談社會主義者之因以自便，名爲提倡，實增阻力，因言：「惟於交際之間一介不苟者，夫然後可以言共產；又惟男女之間一毫不苟者，夫然後可以言廢婚姻。」（見民國野史乙編蔡子民事略。）正此意也。民國元年，吳稚暉、李石曾、汪精衛諸君發起進德會於上海。會

員別爲三等：持不賭，不嫖，不娶妾三戒者，爲甲等會員；加以不作官吏，不吸煙，不飲酒三戒，爲乙等會員；又加以不作議員，不食肉，爲丙等會員。當時論者頗以不作官吏不作議員二條爲疑。然題名入會爲甲等會員者踵相接矣。未幾，鄙人以事由海道北行，同行者三十餘人，李汪二君亦與焉。舟中或提議進德會事，自李汪二君外，同行者率皆當時之官吏。若議員，羣以官吏議員兩戒爲不便。乃去此兩戒，別組一會，卽以同舟之三十餘人爲發起人，而宋遜初君提議名爲「六不會」。衆贊成之。又同時發起一「社會改良社」。所揭著者凡三十六條，第一曰不狎妓，第二曰不置婢妾，第十九曰不賭博，第二十九條曰戒除傷生耗財之嗜好，猶六不會意也。其後爲政潮所激盪，「六不會」若「社會改良社」之發起人，次第星散，未及進行，而進德會之新分子，則閒見於